

Lescha d'ustria dalla vischnaunca da Laax

En applicaziun dalla lescha d'ustria pil cantun Grischun (LUG/ GWG) dils 7 da zercladur 1998 e dallas disposiziuns executivas da tala dalla regenza dils 22 da december 1998 relai la vischnaunca da Laax suandonta lescha d'ustria.

I. Disposiziuns generalas

Art. 1

La suprastanza communal ei cumpetenta per la concessiun, la midada e per la retratga d'ina lubientscha tenor LUG (GWG). Competenza

Art. 2

La suprastanza communal survigilescha il tener en las ordinaziuns legalas pertuccond la hotellaria e restauraziun ed il commerci en detagl cun auas destilladas. Survigilanza

II. Lubientschas

Art. 3

¹ Damondas per la concessiun d'ina lubientscha tenor artechel 3 alinea 1 LUG (GWG) ein d'inoltrar alla suprastanza communal silmeins in meins avon l'avertura ni la sorprendida d'in menaschi da restauraziun e da hotellaria. En cass specials sa la suprastanza communal scursanir quei termin. Damondas per la gestiun d'in menaschi da restauraziun e da hotellaria

² La damonda ha da cuntener suandontas indicaziuns:

- a) Personalias ed adressa dalla persuna autorisada;
- b) Indicaziun exacta dil menaschi da restauraziun e da hotellaria;
- c) Indicaziun exacta dad eventuels menaschis accessorics;

³ Alla damonda eis ei dad aschuntar:

- a) Extract dil register penal;
- b) Confirmaziun suttascretta tenor artechel 5 alinea 3 LUG (GWG).

Damondas per il
commerci en
detagl cun auas
destilladas

Art. 4

Damondas per la concessiun d'ina lubientscha per il commerci en detagl cun auas destilladas ein d'inoltrar ad uras sil formular ufficial agl Uffeci per economia e turissem dil cantun Grischun. Ils formulars san ins retrer tier l'administraziun communal.

Damondas per
arranschaments
ed occurrenz

Art. 5

Per la realisaziun d'arranschaments ed occurrenz dad ina ni da pliras ga, sco per exempel ustrias occasionalas ni da fiasta, allas qualas ei vegn consumau spisas e bubrondas, drova ei ina lubientscha dalla suprastonza communal. Medemamein obligada d'haver ina lubientscha ei la distribuziun da spisas e bubrondas ella sfera privata serrada, sche quei succeda professiunalmein.

Concessiun

Art. 6

Sche las premisas legalas ein ademplidas, vegn la lubientscha dada a scret allas persunas autorisadas avon l'avertura ni la sorprendida dil menaschi da restauraziun e da hotellaria, avon l'entschatta dil commerci en detagl cun auas destilladas ed avon la realisaziun digl arranschament resp. dall'occurrenza.

Pretensiuns

Art. 7

- ¹ La lubientscha sa vegnir colligiada cun pretensiuns, specialmein davart il dretg d'access ed il cuoz da dimora da giuvenils sco era davart ruaus ed uorden public e la segirtad publica.
- ² Sche necessari han ils organs responsabels da porscher per paga al possessur dalla lubientscha il sustegn corrispudent.

Valeivladad dalla
lubientscha

Art. 8

- ¹ Las lubientschas per la direcziun d'in menaschi da restauraziun e hotellaria e per il commerci en detagl per auas destilladas ein illimitadas, resalvau autras disposiziuns. La lubientscha scada entras:
 - a) la mort ni renunzia dalla persuna, alla quala igl ei vegniu dau la lubientscha;
 - b) liquidaziun dil menaschi;
 - c) la retratga dalla lubientscha.
- ² Las lubientschas per arranschaments ed occurrenz tenor artechel 5 ein limitadas.

III. Temps d'avertura

Art. 9

Ils menaschis da restauraziun e da hotellaria san fixar lur temps d'avertura e da serrada tenor agen manegiar. Temps d'avertura

IV. Taxas

Art. 10

¹ Per la concessiun d'ina lubientscha vegn pretendiu suandontas taxas: Taxas da lubientschas

- a) per menaschis da restauraziun e hotellaria: frs 100.– tochen frs 500.–;
- b) per commerci en detagl cun auas destilladas: tenor LUG (GWG) e sias ordinaziuns executivas
- c) per arranschaments ed occurrenzas: frs 50.– tochen frs 300.–, denton ha mintga uniun cun domicil en vischnaunca il dretg da treis lubientschas gratuitas per onn.

² Tier la fixaziun dallas taxas el cass special eis ei da risguardar commensuradamein ils cuosts administrativs sco era igl interess e la productivitat economica dalla persuna che ha l'obligaziun da pagar.

Art. 11

Per ulteriurs acts ufficials, sco controllas extraordinarias da singuls menaschis ni d'arranschaments ni occurrenzas vegn ei pretendiu ina taxa da frs 50.– tochen frs 200.–. Taxas specialas

V. Disposiziuns penalas, mieds legals

Art. 12

¹ Cuntravenziuns e surpassaments da questas disposiziuns sco era dalla LUG (GWG) e dallas disposiziuns executivas da tala vegnan castigadas dall'autoridad da vischnaunca responsabla cun in'admoniziun ni cun castitg tochen frs 10 000.–, aschilunsch che disposiziuns penalas dalla lescha federala vegnan buca applicadas. Disposiziuns penalas

² En cass da regl da gudogn ei l'autoridad che intervegn dil delict buca ligiada vid la summa maximala da frs 10 000.–.

Mieds legals

Art. 13

Encunter mesiras e disposiziuns penalas dalla suprastonza communal sco era encunter disposiziuns dil departement responsabel san ins inoltrar recuors enteifer 20 dis alla dertgira administrativa dil cantun Grischun.

VI. Disposiziuns finalas

Art. 14

Annulaziun da dretg existent

Quella lescha entra en vigur cull'acceptaziun entras la radunonza communal retroactivamein per igl 1. da schaner 1999. Sin quei termin vegnan tuttas disposiziuns che stattan en cuntradicziun cun questa lescha, specialmein la lescha d'ustria dalla vischnaunca da Laax dils 30 d'october 1992, annulladas.

Approbau dalla radunonza communal dils 8 d'october 1999.

Il president:

Vitus Dermont

Il scarvon:

Rest Giacun Coray